

In Quartu tres diris cun su Festival Internatzionali de Circu Contemporàneu 'Circondando 2025'

Ant a essi tres diris, **de su 3 a su 5 de argiolas**, de spetàculus, laboratòrius e mùsica sonada in is bixinaus de sa citadi. S'eventu est cuncordau de su Teatro Circo Maccus!

De su 3 a su 5 de argiolas, Quartu Sant'Aleni at a bessiri unu palcu a s'ària aberta gràtzias a Circondando, su fèstival internatzionali chi donat a su circu bisura noa, postu in peis e acumpangiau de su Teatro Circo Maccus. At a essi unu viàgiu spantosu e poèticu tra fiascas, musicistas chi sonant in pratza, dantza aèrea, poesia e spetàculus bius, cun artistas chi benint de totu Itàlia e de su Portogallu.

Is logus de sa bidda bessint logus me innoi s'atobiai, logus de bellea e spantu: Parcu Parodi, Pratza XXVIII Abrili e bia Cecoslovàchia funt is logus sceberaus po is tres diris de spetàculus a indonu, laboratòrius e artis scènicas po totu sa comunidadi.

Su programma:

3 argiolas – Parcu Parodi

S'at a incumentzai in s'ànima birdi de sa citadi cun una grandu anteprema . A is 18:00, laboratòriu abertu postu in paris de su Teatro Circo Maccus, a sighiri una performance de totu is artistas aproviaus. Po acabai su merì, su spetaculu "Le mie me" de sa cumpangia Visionaria: dantza e circu amesturaus a pari, contant una stòria intras cielu e emotzionis.

4 argiolas – Pratza XXVIII Abrili

Est sa diri de abertura ufficiali. Sa cumpangia Maccus at a fai unu spetàculu de fiascas cun su nòmini "Clown in Viaggio", sighiu de su spetàculu "Una sonata al Silenzio" de sa cumpangia portoghese Cia Rayuela chi est girendu s'Europa: est un'òpera fini, chi amesturat poesia e forza fisica.

5 argiolas – Bia Cecoslovàchia (a s'ària aberta)

Sa diri de acabu at a essi una grandu festa po totu sa comunidadi. A partiri de is 19:00, at a sonai s'Orchestra Circus (Ostrica Quartet) de su Circu Paniko e ddoi at a essi unu spetàculu de Cabaret Circus, cun totu is artistas de su fèstival chi si ant a stentai cun unu merì de figuras, arrisu, sonus.

Totu is spetàculus ant a essi a indonu!

Su progetu est de s'assòtziu culturali Maccus – Teatro Circo Maccus, cun s'agiudu de su Comune de Quartu Sant'Aleni e su dinai de sa Regione Autònoma de sa Sardigna.

Po scedas: <https://teatrocircomaccus.com/>

<https://www.comune.quartu.ca.it/novita/news/a-quartu-tre-giornate-con-il-festival-internazionale-di-circo-contemporaneo-circondando-2025>

